

亦有生齋集

文序

吾友趙君億孫自其年二十許卽習爲古文辭乾隆壬辰癸巳間予在里門時時與爲切劘未幾別去宦遊者三紀無幾相見頃歲君以主講席來闕中乃得盡讀其所爲文而爲之序夫修辭之道有三焉書曰辭尙體要孔子曰辭達而已矣揚子雲亦曰事辭稱則經此學治古文者所當究心也周秦漢之文至東京而衰至六代而敝蓋已不容不變唐人之能自樹立者亦不爲因循昌黎韓子其最著者至宋而歐陽子繼之自時厥後韓歐之道如日中天而明人有以起衰爲已任者未知其所起何衰而模範於字句之間以爲古此與六代之文同爲鑿枘之繡不過旋其面目而已而於修辭無與

也然而弇州降心於熙甫卧子折角於天慵其風遂以衰息爰及

國朝而侯魏汪姜諸子者出皆未嘗蹈襲其失此摧陷廓清之功不得不歸之兩先生者也君少壯博極載籍中歲以後歛其泛濫而深求於經訓及先秦古書庶幾好學深思心知其意者而又服官

禁近多歷年所其於典章制度名公卿賢士大夫之議論皆嘗習熟見聞發爲文章循軌知塗一以韓歐爲祈嚮粹然而安雅淵然而清深近世作者未之或先也若夫儷偶之作十有一二頗疑君旣志於古何以不避輕華顧君嘗言吾不能離人而立於獨世方尙此故亦偶爲之特難爲工耳予思前

人如柳柳州亦擅斯體然集中論文之書乃無一字及之以此知非所措意也頃者問序於予抑然自下若深以覆瓿爲懼者予數觀其文講求於修辭之旨不遺餘力矣且荀卿子不云乎好書者衆矣而倉頡獨傳者一也好稼者衆矣而后稷獨傳者一也推之好樂好義以及射御何莫不然乃君年近七十又嬰風痺之疾而於古文辭猶嗜若飲食專心致志而爲之不已此誠所謂一者矣何患無身後名乎昔揚子雲之書桓君山以爲必傳今亦猶是也因李連書之以諗夫讀是編者嘉慶十九年八月同里莊炘

吾常州多鴻麗跌蕩之才而味辛先生獨以淵雅見蓋守之者數十年未嘗變也先生秦中歸年七十矣生平所交諸名

公積漸凋落同輩亦蕭然無幾四方後進以言藝來見者或未悉先生爲學要領居常恤然寡歡俯仰身世徘徊今古如有所欲語者一日飲敬酒而以文集序爲言敬不敢辭序曰三代之後學者去聖旣遠讀書談道各得其所近若是則文者其亦所學見端之一乎而能之必以法爲始如陶之有甄如冶之有型型者冶之始甄者陶之始也先生生於乾隆之初其時天下主壇坫者以法爲諱浸淫泮渙日甚一日蓋本朝自汪堯峯姜湛園邵青門諸君子引有明以來數人爲正宗修飭邊幅選言擇貌桐城方靈臯雖高識冠流厚力企古而波瀾鋒鏑未鑿聰明於是矜奇務博者起而摧之如褻衣博帶之儒舉動繩尺不能制遊俠之氣禁敵貨殖之多畜

而能言之七範於軌物者蓋亦鮮矣先生獨不惑於貴勢不
牽於友朋硜硜自立不厭不倦故集中所存無有雜言詖義
離真反正者可不謂難歟唐韓退之用法最慎而才力雄偉
所著特絕及門守其法者及百年而漸隘焉宋柳仲塗用法
方直尹師魯以簡質繼之後遂得熙寧元祐諸人而大盛夫
繼極大者其緒必微沿極微者其流必大翰墨之事亦關運
會豈不其然然而羿之穀匠之規矩無有異也同時與先生
相後先者曰姚惜抱郎中秦小峴侍郎皆未嘗放言高論取
譏後世先生自述曰不敢爲欺人之學可以知所得矣集凡
賦若干首雜文若干篇定爲若干卷嘉慶二十二年三月壬
戌憚敬

亦有生齋集文目錄

第一卷 賦 頌 連珠

遊攝山賦

聖駕五幸江浙恭紀賦 謹序

桂寮賦 并序

岳祠銅爵賦 并序

蠡賦

蠡賦 有序

碑林賦 并序

述病賦 并序

太上皇帝紀元週甲授受禮成恭頌

聖駕六巡江浙恭紀 擬連珠二
十四首

演連珠三十首

第二卷 序

校正國語序

校刻韓詩外傳序

徐氏五代史補注殘本序

南北史識小錄序

論語束修說序

勉行堂五經說序序

知不足齋叢書序

墨海金壺序

廣釋名序

碧血錄序

毘陵節烈編序

重修武功縣志序

學海文錄序

讀雪山房唐詩鈔序

釋譜序

花間集序

校刻獨孤憲公毘陵集序

校刻斜川集序

鴻詞所業序

炙硯瑣談序

雙蔭堂奏冊存稿序

第三卷 序

讀孟居文集序

王侍郎述庵文鈔序

存素堂文初鈔序

心房近稿序

林孟韓詩文序

願學齋文鈔序

空山堂文集序

孟鄰堂文鈔序

屠賢書詩序

莊然一詩序

方蘭如詩序

甌北集序

雲溪樂府自序

毘陵竹枝詞序

南華九老詩序

莊然一詩後序

蕙蓀堂初稟序

楔帖集詠序

丁郁茲詩序

第四卷 序

聽鐘樓詩鈔序

雪厂山人詩集序

虛堅集序

桐華館詩集序

焦里堂詩序

春覺軒詩序

叢綠山房詩序

竹初詩鈔序

小筠樓詩序

心止居詩序

賜經堂詩序

樽湖齋存稿序

于喁集序

五山詩續鈔序

蘿月軒遺稿序

二愛軒詩鈔後序

半畝山房詩序

息養齋詩序

張比部詩序

沈小如同年詩序

寄生館焚餘稿序

梧碧軒詩序

第五卷 序

梅里詞緒序

遠春詞序

王葆初洞陽樂府序

桃溪詞草序

唐陶山詩牌百一序

巽繹編序

決科錄序

弊訟錄序

惠濟錄序

毘陵畢氏世譜序

收庵年譜序

萬里荷戈圖序

東宦蹟圖序

愛石圖總序

陸母林太孺人年譜序

送朱仲嘉省親蜀中序

送朱子培北行序

送金畹芳還高郵序

送同年楊西河令貴溪序

送翰林院侍讀吳君歸

養序

刑部左侍郎青浦王先

生七十壽序

封文林郎陝西宜川縣

知縣路先生七十壽序

熊母繆太淑人六十壽

序

第六卷 記

登錫山記

借書圖記

遊洞庭兩山記

小聚沙庵記

玉蘭閣記

遊兩尖山記

山陰尋墓圖記

遊西山記

帶草軒記

珍藝宦記

葛嶺蒿廬圖記

穀水舊廬圖記

梁家園惜字會館記

緜州李舍人登岱圖記

恰隱園三友圖記

再遊西山記

板橋夜月圖記

遊京口城南諸山記

小山晚景圖記

夢回圖記

雙樹庵雅集圖記

豐樂溪十六景圖記

重裝劉雲山畫像記

繼述堂記

第七卷 跋

欽定四庫簡明書目恭跋

皇明脩文備史書後

咸淳毘陵志跋

康氏武功志書後

書文苑英華後

回溪史韻跋

重刻鑑誠錄書後

續刻斜川集跋

書三因極一證方論後

心史跋

道園學古錄跋

剡源集跋

直廬稿跋

天水冰山錄跋

酌中志跋

跋藏密齋文集後

東坡先生寓常錄跋

姜西溟先生雜著手稿

書後

書陽明釋毀錄後

書望溪集後

蓼溪年譜跋

先兵部手批杜工部集書後

先侍讀手鈔從亡列傳臣林外記書後

先大父年譜續稿書後

修刻剡稿書後

修刻欠山集書後

書靜聲閣詩後

書平湖學宮重建東西兩廡記後

書陸氏科第表後

書丁性初遺詩後

甘節婦傳書後

秦泰山石刻跋

宣示帖拓本跋

宋拓蘭亭跋

姜氏蘭亭拓本跋

宋拓曹娥碑跋

陳氏曹娥碑拓本跋

晉任城太守夫人孫氏

碑跋

隴東王感孝頌跋

第八卷 跋

北魏敬使君碑跋

隋常醜奴墓志跋

叡德紀跋

梁府君并夫人唐氏張

府君并夫人樊氏合葬墓誌銘跋

宋拓雲麾將軍李昭公碑跋

宋拓李昭公碑跋

麻姑壇記小字本跋

諸葛武侯祠碑跋

唐光祿卿王訓墓誌跋

重刻唐氏宋拓十三行跋

唐氏宋拓十三行原

跋

跋劉卣于集唐儉碑殘

字

孟法師碑樞本跋

李秀碑樞本跋

宋拓英光堂帖跋

鄜州寶室寺鐘銘跋

龍虎輓轡燈銘跋

金塗塔拓本題後

唐人蓮華色經跋

吳居父手迹書後

宋人書攝大乘論釋跋

趙文敏酒德頌跋

虞伯生正書劉元帥碑

銘跋

虞伯生分書訓忠碑跋

陳僉事行錄書後

王文恪手書謫解跋

跋王文成家書後

跋王文成與徐曰仁書

後

王文成詩卷跋

楊忠愍遺墨跋

顧洞陽副使七十自述

及酬答詩卷跋

唐黃門使廣紀行跋

唐襄文手書詩卷跋

唐襄文手書杜詩卷跋

唐襄文遺翰跋

王履吉各種書跋

朱子价詩卷跋

跋邢子愿與謝在杭書

題祝希哲臨茶錄卷

書婁子柔尺牘後

畫文敏書周忠毅告身跋

畫文敏十札跋

董文敏書許宜人墓銘卷跋

董文敏書贈王修微詩詞卷跋

董文敏筆勢論跋

跋董文敏尺牘

臧顧渚臨黃山谷書跋

孫文介書遠祖總制碑

文真跡跋

顧端文家藏手牘跋

明季諸賢尺牘書後

周子佩血疏貼黃書後

第九卷 跋

朱忠烈鄉試卷書後

跋徐無念遺研詩後

王燾斯手書詩卷跋

跋王文簡詩帖

書西河竹垞尺牘合卷後

惲南田發願文跋

惲南田手錄陽宅秘鈔跋

五世子跡跋

趙氏詩帖合卷跋

跋先世遺墨

故東昌府知府楊君祠堂碑跋

邵氏兩世同年錄書後

跋劉文正札

跋長洲彭尙書奏藁手迹

張郎中贖罪帖書後

王巡檢家書書後

題洪稚存近來長句卷

後

錢大令自述文書後

書臧布衣行狀後

譚宜人墓表書後

題鄭板橋沁園春詞

宗研詩跋

題蔣子相遺照

丁南羽揭鉢圖跋

惲遜庵遺像跋

嚴堪忍遺像書後

王覺斯山水卷跋

跋李是庵寫生卷後

故容縣知縣葉府君遺照書後

惲正叔茂林石壁畫跋

粵江追侍圖跋

雪鴻紀迹圖跋

瑤華道人板橋僧舍圖

跋

書莊達甫攝山采藥圖

後

倪侍郎紀遊圖跋

三賢祠圖卷跋

南北讀雪山房圖跋

舅氏葉樗偃先生畫冊書後

題畢宥函富春大嶺圖卷

胡子西詩意圖跋

第十卷 書 啓

答管編修書

與蔣戶部書

再與蔣戶部書

與友人考天竺大士像

書

答錢季木書

與袁子才大令書

與洪稚存論妻喪書

與舍弟論陳氏立後書

與洪稚存勸速葬書

與張載芬論行狀書

與翁振三詹事書

與袁大令書

與盧召弓學士

與志館總纂盧學士書

答孫淵如一

答孫淵如二

答孫淵如三

與莊達甫

與朱布政

與李禹青

爲郡人上知府請修學

宮啓

邀同人小飲啓

度秋初集小啓

謝同年曾都轉啓

和博爾濟吉特中丞飛蝗詩啓

第十一卷 考 辨 論 設論 誠 教 零丁贊

箴 銘

几席考

先兵部特徵御史辨

輕刑論

四維論

李夢陽論

阨解

釋毀

誠子六則

誠子戾文

青州各屬觀風教

零丁爲翁學士作

并序

自題三十七歲小像贊

愍師像贊

鐵筆贊

飲牛圖贊

并序

雲漢放牛圖贊

并序

張鳳于秋林靜寄圖贊

茱筍贊 并序

黃芽菜贊

拾得贊

黃文節書太白憶舊遊寄譙郡元參軍詩卷真跡贊

本楹上人像贊

高忠憲公像贊

錢季木大令小像贊

唐襄文公像贊

達摩畫像贊

董文恪公篆書座右銘

贊

自題冬服小像贊 并序

明布政汪公像贊 并序

陳太守五十學書圖贊

并序

黃紹甫移居圖贊 并序

血書金剛經贊 并序

伊光祿小像贊

自題六十歲小像贊

竹柏樓居圖贊 并序

天池上人像贊

自題六十五歲像贊

自題七十小像贊

七十自題衣冠像贊

屈甫讀禮圖遺像贊

味辛齋箴

惜字箴

芝硯銘

蓮葉硯銘

葉表弟小方硯銘

濬硯銘

宋宣和五星硯銘

拾遺硯銘

并序

奏賦發名之硯銘

鳳竹硯銘

并序

祥雲捧日之硯銘

汪觀察贈硯銘

澄泥小玉帶生硯銘

升平元年甄硯銘

乾陵瓦硯銘

竹祕閣銘

鎮紙銘

降真香鎮紙銘

又

竹如意銘

朱野雲卓銘

長平鏃銘

法雨泉銘

第十二卷 書事 狀

書沈无咎

浙兩人錄

書龔銓安事

二孝子錄

書蔣經元遺事

書吳縣諸生獄

書李芬

書虎二則

書老僕錢恩

書司馬節婦

書袁烈婦死事

書徐貞女

濬縣守城書事

秋圃翁行狀

進士錢君行狀

劉秩卿行略

內閣中書舍人莊君行狀 奉政大夫刑部福建清

吏司郎中先考趙府君事狀

先妣葉宜人事述

亡妻金孺人行述

亡繼妻張孺人行述

方蘭士妻王氏行略

第十三卷 傳

故甘肅會寧縣知縣楊君家傳

世父待詔府君家傳

文學趙君家傳

山西交城縣知縣莊君別傳

御園織染局司庫伍堯君家傳

故浙江杭嘉湖海防兵備道周君別傳

兵部職方司主事李君家傳

故廣東番禺縣知縣許君家傳

河南衛輝府知府葉君家傳

龔先生家傳

恩貢生候選直隸州州

判俞君家傳

毛陽明家傳

直隸棗強縣縣丞汪君別傳

李氏三忠合傳

陝西興安府漢陰通判

蔣君家傳

文學沙君家傳

中憲大夫議敘鹽運司知事汪君家傳

第十四卷 傳

候選知州管君家傳

孫述甫生傳

直隸長蘆鹽運分司天津運同楊君家傳

文學姜君家傳

誥授武義都尉例晉武

功將軍王環營參將何君家傳

山西河津縣知縣龔君家傳

故山東青城縣知縣卞君家傳

例封脩職郎國子監生莊君家傳

節孝劉孺人家傳

黃節母唐氏孺人家傳

董恭人莊氏家傳

洪宜人蔣氏家傳

趙恭人沈氏徐氏合傳

蔣孺人張氏家傳

梁宜人劉氏家傳

從嫂王孺人家傳

從弟婦蔣安人家傳

屈安人葉氏家傳

族祖母許安人家傳

第十五卷 碑記 墓表

常州郡城普濟堂碑記

重修觀莊祠堂碑記

劉先生祠堂碑記

重修博山縣學宮碑記

重建陳渡橋碑記

重修上海城隍廟西園

湖心亭碑記

重修郡學文昌宮碑記

重修太白山神廟碑

關中書院主講題名碑

記

同仁堂捐屋碑記

故武進縣知縣孫公祠堂碑

特贈鴻臚寺卿禮科掌印給事中劉君碑文

皇清光祿大夫都察院左都御史周公神道碑銘

贈儒林郎管君墓表

封文林郎湯府君墓表

監察御史吳府君墓表

第十六卷 墓表 墓碣

毛先生墓表

例封文林郎呂君墓表

福建鳳山縣知縣世襲雲騎尉湯君墓表

陝西宜川縣知縣路君墓表

奉政大夫封朝議大夫貴州大定府水城通判加同

知衛葉府君墓表

揚州府甘泉縣訓導鄭

君墓表

國子監生王君墓表

例贈承德郎保舉孝廉方正龔君墓表

誥授中憲大夫廣東候補道前江西南昌府知府楊

君墓表

朝議大夫晉授資政大

夫揚州府知府伊君墓表

山東莒州知州許君墓表

國子監生洪翁墓碣銘

何布衣墓碣

趙烈婦董孺人墓碣

毛孺人曹氏墓碣

第十七卷 墓誌銘

處士方君墓誌銘

故廣西恭城縣知縣署

百色同知陸君墓誌銘

繆鈞揆墓誌銘

正二品廕生陳君墓誌銘

汪振行墓誌銘

例贈文林郎國子監生丁君墓誌銘

贈奉直大夫江西宜黃縣知縣王君權厝誌銘

勅封徵仕郎例贈文林郎國子監生楊君墓誌銘

朝議大夫河南河南府知府張君墓誌銘

朝議大夫廣西潯州府知府例封通奉大夫湯府君

墓誌銘

刑部奉天司主事金君

墓誌銘

第十八卷 墓誌銘

資政大夫兼兵部侍郎都察院右副都御史總督淮

揚等處地方提督漕運海防軍務兼理糧餉管公

墓誌銘

文學莊君墓誌銘

廣西荔浦縣知縣楊君墓誌銘

陝西臨潼縣知縣陞商州直隸州知州莊府君墓誌

銘

直隸威縣知縣丁君墓

誌銘

通奉大夫四川布政使

司布政使 贈太常寺卿楊公墓誌銘

奉直大夫翰林院編修洪君墓誌銘

文學沙君墓誌銘

清故三水巡檢趙君墓

誌銘

龔伯讓壙誌銘

戶部廣東司員外郎前甘肅靈州知州楊君墓誌銘

第十九卷 墓誌銘 塔銘

誥授榮祿大夫 經筵講官兵部左侍郎劉公墓誌

銘

河南分巡南汝光道署

河南按察使崔君墓誌銘

清故奉政大夫陝西邠州直隸州知州莊君墓誌銘

勅授文林郎直隸豐潤縣知縣沈君墓誌銘

誥授中憲大夫分巡湖北荆宜施道崔府君墓誌銘

屈宙甫壙誌銘
孫季仇妻王氏壙誌

管氏女壙甄銘
繆綏萬妻章氏壙誌

崔恭人錢氏權厝誌
丁太孺人董氏墓誌銘

韓恭人顧氏墓誌銘
趙孺人屈氏墓誌銘

弟婦蔣孺人墓誌銘
節母吳孺人林氏壙誌

銘
常州永寧寺如幻大師

塔銘
宋萬安和尚袈裟塔銘

第二十卷 哀辭 誄 神誥 祭文 告文 青詞 疏

葉星衛先生哀辭

并序

劉贊善哀辭

并序

洪節母哀辭

并序

外姑金節母哀辭

并序

國子監生呂君誄

并序

孝女陳孺人張氏神誥

過德州連兒窩祭遠祖見瀾公文

過連兒窩再祭遠祖見瀾公文

過連兒窩三祭遠祖見瀾公文

祭楊太學文

代家君祭陳丈文

代家君祭陳侍讀文

公祭巡撫江蘇吳侍郎

文

公祭鴻臚寺卿韋公文

公祭故開化府知府遂孟張君文

同邑公祭故漕運總督管公文

祭金少權文

祭沈母石太宜人文

哭添丁文

告關大帝文

于忠肅公祠祈夢文

吳山告先恭毅公祠堂

文

青州祠堂告高叔祖編

修君文

青州學使君祠戊祭祝

文

新建副使府君家祠祝

文

副使府君春秋戊祭祝

文

節烈祠春秋祝文

告亡妻金孺人引柩歸里文

告亡妻金孺人除服文

告亡繼妻張孺人除服

文

焚黃告先妣葉宜人文

焚黃告亡妻金張兩宜人文

先妣大祥禮斗青詞

先宜人七十明忌追薦

疏

天益寺郡人禱雨疏

亦有生齋集文目錄

亦有生齋集文目錄

六

亦有生齋集文卷第一

武進 趙懷玉

賦

遊攝山賦

歲闕逢之相月兮余有事於白門閱弦朔而來歸兮粵秋仲
之下旬溯大江而東下兮識前路而是遵彼名區既有約兮
敢蹉跎而勿申維攝山之鍾秀兮名實標乎地志衍燕磯之
支脈兮割龍蟠之餘氣邈宋齊而肇顯兮歷隨唐而增麗圉
四十里而無垠兮屏二千尺而靡倚跨諸峯而下之兮曾建
業而莫與二何世人之卒卒兮恒交臂而失之或服賈之牽
役兮或在公之迫期我旣赴此二者兮曷又爲乎去斯朝暉

皎于秋粲兮爽籟發乎高枝舟辭大而卽小兮路由江而入
陂攀木末而擲纜兮迅如馬之脫鞅波沿緣不數里兮已三
峯其在望中屹立而自尊兮東西拱而相向張天半而如緘
兮依江皋而作障信烟霞之所棲兮忽心目之俱盪煥擘窠
之特書兮瞻穹碑之十丈溯乾封之紀年兮嘉名錫而此創
寺無人而轉幽兮逕拾級而徐上左有塔爲舍利兮東通殿
曰無量隨石勢之離奇兮繪諸天之龍象萃萬力與千氣兮
度莊嚴而神王端玉冠之峩峩兮插萬笏如抽簪臺明月而
不夜兮橋春雨而常陰紫峯窺其傑構兮玲峯頰其清潯梁
蜿蜒而虹貫兮石出沒如星沈泉噴珠而濺玉兮儼隨聲而
附音陋瀾心之洗耳兮抗清風而濯襟誠不惜此微軀兮恣

遊觀於雙目縱濟勝之匙具兮敢憚勞而自縮河接脉於老
鶴兮池效靈於神鹿孤亭每峙於絕頂兮精廬半隱乎深麓
孰瓊珞之非柏兮詎檀栾之匪竹松九株而特矯兮桂萬莖
而送馥衣化素而爲翠兮天不補而彌綠彼幽居之獨幽兮
足未經而神穆岡橫亘而綿延兮石怒生而皆蠹俄駭浪之
屑翻兮驟崩雲之互觸恍罔象之莫辨兮覺輪般之廢斲四
金華之三洞兮十武夷之九曲稽輿圖而索勝兮按舊蹟而
興思碑畱筆於正臣兮碣垂文於總持羨屬名於古藻兮晒
受戒於大慈禮金剛之寶幢兮驗元祐之敕詞醒石愁遺夫
伶籍兮禹碑神肖乎會稽朝陰崖之鬼神兮搜邃壑之蚪螭
矧四十二章之各競其工兮儼集腋而成衣讀之曾未畢其

說兮已愴怳而目眇凡竒觀之鱗集兮悉備覽于

九重境不披而自闢兮山不搜而已空若蘊結於千古兮而待顯乎遭逢人謂比先王之舊觀兮

帝已泰曰毋庸歷四巡而成化兮遂端拱乎法宮幸茲行之假道兮若得之於邂逅選勝侶而得朋兮入靈都而餐秀伊蒲設於入室兮鳩杖撰乎升岫冥心愜於禪悅兮流暢逮乎童幼余懷此願逾十祀兮遊僅卜乎永晝惜勝境之難久享兮乍過焉而若驟緬承烈之遐軌兮欲往接而靡從歷棲雲而栖霞兮測標意之始終宅廉泉與讓水兮飲春韭及秋菰啖守生之爲蔽兮師明宗之獨通當易暴之屢非兮獨皤然乎其躬七聘至而夷然兮一門萃而雍雍哀豫章與竟陵兮

徒玉柱與金鍾遜竹根與筍籜兮猶增色乎此峯此峯信美
其吾土兮矧芝朮之可耕庶服餌以全吾真兮得優遊於泰
平嗟予生之多疾兮兼八口之累情彼令威之作哥兮慨人
民之已更苟獨仙而爲快兮亦奚樂乎長生羨草木之無知
兮猶歷劫而免刑曾生意之在人兮機日過其欲萌淮南昧
夫明哲兮稚川庶乎可貞山非買而難隱兮得藏景而敢爭
願移家此終老兮絕世網而勿嬰

聖駕五幸江浙恭紀賦

謹序

臣謹按時巡之制虞以五年周期十二誠以考同遐邇親知
劇易欲恩膏之普浥必周遊而逮通然襄城姑射或曠世而
一登委宛空同亦六飛之偶御並已輝煌山瀆麟炳方冊未

有休烈浹洽

重光累熙慰再三望

幸之思際

幃載同春之慶若我

國家之盛者也欽惟

皇上御極以來暢汴埭埏紀綱區寓勗勤加勞之業至恭已
邇道之化隆國容眊令而行軍政象物而具雷風通響鳬鷖
頌聲勒崇垂鴻脩哉至矣乃耆機雲迅掃窮野子來通譯九
重盤空萬里蟠木流沙之地貫胸脰耳之鄉莫不言鳥告歎
牙獸屈膝若其承明金馬著作之庭天祿石渠典籍之府什
魯宮之所藏倍汲冢之自出亥豕明而大雅宏達虎豹變而

賢才衆多武功之盛如彼文德之炳如此故以揮弦赤楓之側而薄海同風鏡照綠蘿之旁而寒鄉被耀者歟且夫率祖而由章繹思以繼緒至孝也稽同律之遠典監時邁之成憲大禮也物慕思而潤澤之民引領而循收之甚仁也增隄防固礎蓄有文命楯櫓之勞焉發大號節宮帳有放勳松雲之則焉瞻萌隸則先王補助之觀舉慶祀則周室懷柔之德肆武事則岐陽車工之業

問百年則有殷王制之遺斯事體大豈得已乎而況乾爲健德在時乘而御天南象離光應當陽而出政徐揚古境吳越名疆會稽具區爾雅之所曾陳建業海陵左思之所曾賦山河隱軫都邑駢闐民濯浴而涵濡澤沈潛而雨洽

天顏屢覲

祖德在心解慍而時有風來舉頭而惟欣

日近大臣稽古而入奏牧伯遠猷而封章於時餘糧委畝野
繭垂林金穰則大有書年眉壽則無疆請祝

皇帝猶軫元元之情懷嗟嗟之德蠲租庸於

行在恐壺漿之擾民然後建太常之袞袞鳴和鸞之央央星
陳而天行淵旋而雲被嘉應布濩協風旁流廣樂奏而禽魚
駐情華蓋張而雲霞掩縟銅車繞陌鳩杖扶輪士女謳吟而
觀

光黔黎舞蹈而祝

聖洋洋乎皞皞乎誠六籍之所不嘗聞百王之所莫能媲龍

銜之玉鏐

鴻號而難窮天錫之圭報

至仁而疑薄者矣

臣

一介凡愚遭逢

盛代偕樵夫而談

王道共畊甿而咏

皇風似司馬之慕給薪陋廣成之頌觀麥庶夫渾渾元造不
辭尺管之窺赫赫曦暉毋謝寸莛之測云爾謹鞠脰首路以
獻賦曰

皇帝四十有五載德日耀野威星景方信風條而壤綠仁雲
轉而霄黃於是朔暨烏藉炎訖狼脰川靜鯤壑陸冷龍鄉黑
質白章叶樂趨蹌丹翎翠吭與化翱翔蓋

恩覃乎四世故慶極乎八荒太史方諏吉舉五巡之禮僚庶
正獻歲晉

萬年之觴而

聖心方淵然以靜穆然以神陳經於上日祈穀於初辛沛恩
言於輪廣止慶禮於臣鄰既紹衣夫

前烈用敷錫厥庶民則天之大師地之均配日之令象時之
仁順斗杓之東指陳

法駕於初春繼淀周遮郊坰始花禽飛山藻鱗動川華

帝車運而不息羽衛寂而無譁登黃圖於衽席豐赤縣之桑
麻越青齊之岡阜臻淮泗之津津

天子乃俄玉軼駐文駟駕凌雲之寶鶴乘泛日之仙槎草滋

兮露渥萍散兮星斜維揚大州會稽古郡屏展帆遙林長騎
迅川增媚以如迎嶽戴高而加峻百卉荷夫祥薰千林榮其
泮潤章亥之所測推職方之所封濬合越壻與吳根仰

乾行而震奮我

皇上之勤政也令頒之甲夜觀於乙因庶司以核綜昭三載
之陟黜健無毛鷲之虞循眇蓮胞之失微貫者與之銜亮工
者增其秩遍臣法與臣廉始左列及右列咸稟

一人之謨以成百職之述而

皇上之惠民也熙耕鑿占杏榆偶偏災之所及捐數郡之所
輸下方舟於楚甸給歲食於全吳而又煥

綸綍下閭閻戒纂組薄雕鏤表百年之綽楔優三老之縑繻

揭雞竿而日麗清狴戶而草敷風皆溫於挾纈化寶美於斟
酬是以丁男亥老方趾圓顧鳥旂魚頡蛾伏鳧趨冠朱纓而
舞抃釋黛耜而欽臚若乃舉柴祈之典稱秩望之儀考度縣
之樂肄升閒之詞或黍茅之

親蒞或籩豆之分司嵩效呼而授策川浮圖而叶期神奕奕
以祇肅靈煌煌以慕思凡穹祇之昭列悉炳燭而靡遺維
清緝熙咸三五之治維

聖躋敬邁八九之儀至於磬鞀鐸同服弭魚麗陳鶴羣齒介
天塹之汪洋鏡海門之渺瀰集蜀艇與越舫巨吳頭與楚尾
萬重之甲輝湖五石之弓射水或競雄於鮫鱷或敵銳於犀
兕方雲雷之震闕倏江天之澄美詰戎之制斯存握奇之法

詎擬自朝而南先河後海或剔或鬢旣豬旣匯洵宣房之各
宜寶咨傲之攸在欣二水之朝宗驗百川之津逮彼鱗臣與
介伯奉要東而無改蘭橈旣施桂楫咸待鳥噙五色之珠颿
挂六葉之綵嘉奧府之安瀾緬成功於歷載

省方之禮旣殊籲俊之典聿修已廣珊瑚之網復勤棫樸之
樵材有期於序進器無俟於嚴搜靡不獻醴泉之頌效翔鳳
之謳

星宮闕而給札

雲幄啓而瞻旂類飾磨而淬厲用擢异而升尤

皇襟暢而春景融

宸賞屬而

天章富騰墨瀋於烟雲燦筆花於苑圖韻聲疊以抽新言炎
炎而叠舊磨厓鏤石則鼂采升華截竹鳴絲則靈潮答奏蘊
含乎孔思周情超軼乎湯馳禹驟蓋自發
禁籞返

神京觀乎曲江之濤緬乎鍾山之英周乎房心之建歷乎斗
牛之撐其展義也則攝提次遷其歲事也則恢台氣盈周三
千里

巡行之路慰十五年禹企之誠需雲被萸甘雨抽萌苞苻斯
協瑞應駢呈洽有壬之百禮潤孚甲之羣生渺膠庠之下士
慚蠡鳥之先鳴仰

延洪而知喜詠

至德以無名蓋三衢所以祝

聖人之壽而六符於以頌泰階之平

桂寮賦

并序

兵曹郎汪君既築綿潭山館中構一室環之以桂名曰桂寮
索予文字紀之卒卒未就今三歲矣病餘無事追念前諾爲
之賦曰

架屋兮開寮櫺疏兮綺交思選芳以環植爰結桂以爲巢惟
榎木之挺生合剛陽而粹族柯偃蹇而繚巖華窅窅而被谷
貫冬夏而長榮閱春秋而遞馥時高揖乎疎梧亦近攀夫修
竹明月在天涼風生枝秋方及半夜如何其香飄洞達之牖
影落澄泓之池主人於是罷素琴停清卮遲良朋兮未至慙

爲歡之失時詠淮南招隱之句誦韓終采藥之詩旨酒竭而
更酌東方明而不知若夫素節漸過新寒乍侵英猶餘燦葉
欲辭林豈蒼帝之雨粟非祇園而布金著書層幙之下延客
小山之岑悵難追之澄景叅無隱之禪心桂雖一名類不勝
紀剡溪則紅永嘉則紫閭河則實可延年琳池則枝皆連理
或造之而爲舟或采之而作餌露何爲而承杯月何爲而落
子彼平泉之自誇奚若茲園之萃止也廼歌曰生自直兮幹
嶙峋因地而生兮不因以辛孔鸞迴翔兮肯受人之斧斤又
歌曰桃華潭深兮不如綿潭之幽欲違從之兮道阻且修吾
生多疾兮百藥是求誰爲八公兮吾願與之淹留

岳祠銅爵賦

并序

乾隆己酉婦弟刑部主事金少權嘗從同里汪氏得銅爵一
高五寸六分腹容四合中鐫精忠報國字左側豎耳鐫岳珂
建造字兩柱三足上爲兩趺文蓋宣宗嘉泰間珂所造祠中
祭器也辛亥冬出以見示同人已斐然有詠余亦援筆爲之
賦曰

西曹主人林居多暇惟古與稽架皮暉軸筵羅鼎彝中有銅
爵璘玢色滋近購汪氏遠來岳祠其祀伊誰維王忠武有孫
曰珂言念厥祖爰采質於首山佐薦馨於嘉俎擬上尊之飾
金陋飛觴之綴羽色非淚而留斑光異玉而侔古嗟乎鄂國
幸遭阜陵官及髫髻功崇載胥賜葬則墓田長守啓祠則法
器頻增徒令義士雪涕孤臣拊膺望黃龍兮塞遠哭朱鳥兮

魂升雖有味其焉食欲痛飲而未能爾其饕餮深鑄雷雲謹
刻物在酬忠文猶報國存涅背之初衷尋覆巢之陳迹葛公
則五丈隕芒萁叔則三年化碧事少伯而已遲鑄申王其奚
益一鴈南翔六夏夜長錢唐潮落諸暨山荒思犧象之不出
酌兕觥以永傷隨銅駝以其沒媵金椀以深藏却火侵而彌
耀土花蝕而自香終得顯於異代還舊觀於故鄉彼角散殊
制璣璣異形小則蓮花蕉葉大則北斗東溟一升二升之器
三字八字之銘徒足供夫浮白實靡當乎汗青豈若茲爵陳
列爲世典刑貴可擬于山罍蒲勺義適合于子乙父丁也哉
歌曰王之靈兮在天王之名兮在史珍此爵兮胡爲繫人心
之不死又歌曰酌君酒兮旨且多灑熱血兮怀江河願堅忠

孝心與銅長不磨傳之得所有天幸何必返璧歸金陀

蝨賦

營營白鳥實繁有徒恣彼口腹嗜人肌膚驅以涼風界之炎火治易反掌道在用果

蝨賦

有序

余讀李義山蝨賦有避跣就回之歎而陸魯望以棄瘠涵腴乃蝨之賊矯之予謂身之垢何害心之垢斯害耳彼蝨者如小人之毀君子究奚傷於君子哉

逃縫匿絮久安厥鄉湯沐既具其類迺傷苟能絜身弗除自絕有時舍垢亦任跳噉

碑林賦

并序

西安府學大成殿後舊爲碑林今稱碑洞距關中書院不及
半里嘉慶壬申四月予至西安主講先過碑林徘徊其下而
不能去信石墨之鉅觀而文章之別府也爰賦以志其幸焉
辭曰

繫雍州之肇域實帝王之故都自嬴秦越李唐咸締構而究
圖表河山之勝概成金石之奧區維古長安三輔之冠言訪
碑林近依在類有碣森森其文爛爛水火避而弗侵雲霞照
而彌奕恣過客之幽尋佐通儒之博貫碑有次第尊先石經
嘉平以來首踵開成當日雖訾爲蕪累異時猶重其典刑軼
西蜀之閭位啓南渡之先聲遭建而幾淪草莽得鄴而終入
鄴城迨橋門之初遷賴龍圖之經始乃遞及於諸碑遂興嗟

於觀止歐虞立八法之宗李

陽冰郭忠恕

契六書之旨秉正

氣者常存樹殊勳者不死崇顯報而祠墓罔遺發幽光而圭
幃亦紀溥沾溉於臨池補闕譌於讀史直有功乎累朝匪厯
綜夫二氏它則華嶽之刻昭陵之遺或歷劫而出或待人而
知殘文賸義無地無之各顯晦之任運胥拂拭而逢時未若
斯碑之如林相距不違乎咫尺物因好而能裏奇每搜而易
獲賈販以之流行章縫於焉攬撫矧架屋而周楯免雨淋與
日炙固好事之深心亦當塗之大力苟卜居而結隣願署名
爲漱石又奚慕夫周宣之狩岐陽秦政之登鄒嶧也哉

述病賦

并序

予生而羸弱心膽畏怯自孩提以至羈貫無歲不病病無不

危皆賴太宜人劬勞顧復乾隆戊子病京邸庚寅丁酉兩病
白門自丁未至己酉患胸中氣者三載太宜人或在里中或
已弃養則皆先大夫維持調護之既罔極難報而所遇良醫
德亦不可忘也年將六旬身反康健嘉慶十六年秋陝西當
事有關中講席之訂十七年四月入關五月遽嬰末疾自病
以後趣絕生人今又兩更滄熱矣夫人有疾痛則呼父母而
今安所號籲哉爰託篇翰聊述梗概焉

溯吾宗之遐軌兮在炎漢而屯遭壹慳錢於一囊兮嘉臥蓐
者七年嗟我命之不辰兮疾偕生而爲緣由墮地以迄成童
兮婁濱死而獲全宜百藥之錫名兮訝六氣之戾天問伊誰
之援拯兮仗慈母之矜憐迨弱冠而出遊兮始遠離乎子舍

一感寒於赤縣兮再患疴於白下固微名之爲累兮亦薄植
之難化哀靈蕙之先隕兮賴乾隆之常蒙忽槎枒於方寸兮
遂繇歷夫春冬卜已決其數盡兮醫亦謝夫術窮守不治之
古諺兮終勿藥而奏功再服官於西掖兮病與時爲消息及
甲子之將周兮反康彊之逾昔初扞格於跬步兮旋從容而
登陟方竊幸佚我以老兮邀芘佑於大鈞忽故交之遠招兮
時分陝而旬宣念萍蹤素所未歷兮將一攬形勝於三秦爰
膏車而秣馬兮諏渚灘之仲春甫入關之匝月兮嬰未疾而
不仁覺百骸之頓殊兮訝五官之虛屬旣視聽言動之俱非
兮孰神意魂魄之洞燭目非魚而常開兮身異囚而半牴畫
遲遲而望暝兮夜漫漫而待旭枕未安而輒醒兮食易哽而

頻祝羨飛走之各得兮遜肖翹之蕃育豈宿孽之自致兮抑
彼蒼之偏酷荷親懿與朋知兮數惠然而來問旣珍錯之爭
饋兮亦膏丸之遞進奈稂莠之無靈兮並著龜而爽信姑默
禱於冥漠兮願減算以蘇困乃歷久而茫然兮孰謂居高而
聽近感少壯之值醫兮技旣良而亦神銘舊德而弗諼兮可
覩縷以備陳悼松齡治癰注行先治久咳楊孚五治傷寒劉
聿聲治瘡繆丈方年陳子立夫則時時療治也
繫此邦之數典兮實和緩之畢轅胡今者之寥寥兮秦竟虛
其無人用鍼砭而闔補瀉兮事診治而遺望聞曾莫知攻媮
理兮奚論能易骨筋身已甘爲棄材兮世誰恤夫鮮民幸天
君之有宰兮兼右體之無恙臨池尙堪振筆兮讀書不至善
忘緇曠達之白傅兮思貴寵之裴相雖淺深久暫之各殊兮

皆未免於風淫之醞釀矧小子之寡昧兮敢妄叨乎昊貺或
者造物之有意玉成兮俾坐得桑榆之收唯垂老而困異地
兮已三載之羈留瘡骨肉之多契闊兮唯一子之從遊欲扶
疾而遂奮飛兮又怯高山大川之阻修鳥盡樂乎投林兮狐
亦戀夫首邱苟微倖而竟栖神家衛兮吾將一任夫生之爲
浮死之爲休

頌

太上皇帝紀元週甲授受禮成恭頌

集五經語以辨
一執中爲韻

維

清緝熙式克欽承粵若稽古莫之與京

聖人久於其道適觀厥成卜

亦有生齋集文卷一
郊於泰折立其誠

宗廟之事祫嘗禘烝思

皇多祐明德惟馨取法乎

天在璿璣玉衡緬其

祖武是訓是行濟濟多士若作和羹無曠庶官各奏爾能平

章百姓至於海隅蒼生順

帝之則旣安且寧山澤通氣品物流形天降時雨鼓之以雷

霆冬無愆陽爲寒爲冰水火金木土穀无咎可冀庶績咸熙

庶績其凝是謂大順是以大亨

天壽平格西有長庚倬彼雲漢天下文明九五福如日之升

帝庸作歌律和聲八卦相盪繫辭焉蓋取諸離以莫不增維

時維幾乃寢乃興

太上有立德純粹精也乾道變化非作而致其情也

其一

天行健

耄期所其無逸一日二日萬幾夙夜基命宥密禮樂刑政恭敬樽節作者之謂

聖知之曰明哲曰念用庶徵不貴異物豐年多黍多稌量入以爲出倬彼甫田實穎實粟自羊徂牛博碩肥腍觀其所感鳥獸魚鼈厥木惟喬椅桐梓漆庶草蕃廡其興也勃萬物資生維而不越凡益之道緩則有所失

清問下民賑乏絕

王言如綸樞機之發自上下下時萬時億至於再至於三

德音秩秩星有好風月離於畢民之所好好之惟

天陰隲保合太和民不夭札室家溱溱其比如櫛丙辰日在
營室凡養老序爵六十養於國鼎有實子有臣三千尙猶
詢茲黃髮以親九族辨等列振振公姓縣縣瓜瓞燕及
皇天協於克一

五世其昌子孫其逢吉

其二

鳳凰麒麟於彼原隰降之百祥四方來集

文思安安學古可用汲知微知彰卜筮不相襲離經奏鼓白
石鑿鑿有其舉之必葺我武維揚師出以律我戰則克則有
獻捷莫不欣悅莫不振疊庶獄庶慎受牒毋或枉撓以明罰
勅法

時邁其邦覲諸侯敷納皆先河而後海物有本末大雩仲夏之月秋

天子乃教於田獵盡志於射視博習柔遠人致美救乏說以使民下民祗協民生敦龐利用出入時甲子有六旬天地訢合

聖敬日躋

大人世及繼序其皇之晝日三接乃

命以位富有之謂大業曰

放勳曰

虞舜世濟其美

聖人南面而立告厥成功天九地十維

天其右之禮無不答渙汗其大號以時發也建中於民足以
有執也

其三

聖人之大寶曰位疇咨若時登庸

重華協於

帝昭明有融

朕志先定感而遂通

昊天有成命惟吉之從肆類於

上帝尊

祖故敬

宗山川鬼神達四聰正月朔旦時乘六龍鸞聲噦噦絳革冲
冲八音克諧於論鼓鐘言觀其旂零露濃濃敬爾有官相維

辟公皆再拜稽首手容足容質明而始行事四海會同以洽
百禮日之方中

行慶施惠允釐百工用敷錫厥庶民民咸樂事勸功爲圉爲
金乃

召司空朔南暨自西自東敬授人時而行八風

居子與臣之節徽柔懿恭昧爽而朝雝雝在宮以

孝養也則從而隆維

辟玉食以庶邦惟正之供止於

慈教思無窮

萬壽無期福祿攸崇

其四

連珠

聖駕六巡江浙恭紀

擬連珠二
十四首

臣聞朝熙門穆則旗翼貢壽垓暢埏泝則山川納慶猗

古稀之延洪凝

昊綽之休命是以暎霄而景老炳極按衛而祗靈翊

聖

臣聞同律班瑞數典每稽乎鳩蹟顯謨承烈述德斯篤於姬
祐是以萬年一范古用纘其丕基

六御時巡今克紹我

仁祖

臣聞舞羽致格曾以七旬爲效錫圭底績迺越八年之期何
則遲速者事機所難協權衡者

睿哲所周知是以

天戈西麾指顧藏

耆定之業

玉軼南蒞從容獲清晏之宜

臣聞職方先揚勇土肇冀或崇財賦之區或重股肱之地是以

省方未屆薄齋已早切其就瞻

行慶自邇侯甸則遞陳其劇易

臣聞冠帶綏紳環橋門者觀聽車服禮器升廟堂者低徊於
樂感中和之奏暫啓盛著錄之才是以有事雍宮而經生雲
會致虔

闕里而

後聖天巍

臣聞伊昔所賴維正之供疏隘者沃醯而焚石憚艱者泮水而淩風乃復千金之竭輒成不日之工是以轉漕艦於日邊瀾澄練白望

安艫於天上汎過桃紅

臣聞沈玉褰焚歌曾告勸茨防隄塞法貴慎圖維

帝屢咨於江國厥功尤重於河渠是以增堰易磚清口旣歸乎灑濬築堤並釐徐方漸享其神腴

臣聞波性迤折兩潮獨擅名稱潮流激衝三壘實資捍蔽創非常者卽稟乎

鴻猷籌永逸者不靳夫繁費是以魚鱗秋偃羣咄射弩之愚
雁齒晴排始陋益薪之利

臣聞白下江寬嶂開翔燕黃天蕩遠涉慮奔鯨是以故港才
通人喜容刀之穩

宸遊至止山如張繖而迎

臣聞織葦之士馳情於榮觀羹藜之子結願於侯鯖何則岩
澤富而獵漁攸往人文萃而教育先行是以

三閤廣儲分

頒宛委卿媛之秘百家傳錄

許擷蘭臺石室之馨

臣聞弛額者富貯閭閻免負者力紓衰幼數詎計乎億千義

要推乎新舊是以

恩加首郡遂申重異之文天閨韶春特引如年之晝

臣聞禹筴之課擅於濱淮亭戶之籌盛於臨海

惠逮商而蠲優民裕食而樂愷是以波熬沙漣平添井竈之
春雪積花飛益絢冬春之彩

臣聞昂明於天連索疎五星之次獬擣於園野網彰三面之
仁是以

鸞輅初葦望氣而風雲協候雞竿遙揭呼嵩而雷雨皆

恩

臣聞嶽瀆在東縣沈著其恪邱陵已古樵採禁其施是以頻

隆牲玉之儀苾芬暇假

親定拜稽之節登降秩差

臣聞石祠樂社氓庶之相推巴郡九江載籍之僅遶迺凡踣路之經臨悉

詔重臣以妥侑是以烝於房祀釐史乘而酬庸收彼功宗眷班行而求舊

臣聞物之昭也惟鑑囑靡阻於幽深氣之叶也惟春澤普汜乎榮槁是以升能還闔歲書凜法廉之常

賜爵貸書階簿泯參差之考

臣聞栢滋甘露人瑞蕃徵芝扇祥颺耆儒彙進雖桴鼓之易捷亦醇醪之久醞是以版授緋帛章身等初命之華戶引眉梨扶杖荷百年之

問

臣聞席筦筵蒲偶行其典車安輪輿間舉其人若

頒觴而廣宴河曠古而茲辰是以國老皤皤拜東箱者方承
乎

鳳紵多士濟濟厠南宮者先擢以虎門

臣聞白寶無色而染之受采太璞不礪而琢之舒光膠序者
儲賢之府增廣者勸學之方是以

壽考作人而匠成翹秀現珍待聘而特達圭璋

臣聞獻歌儒館非太學之恒奏頌廣成祇詞臣之素若疏屬
之驟離斯蓬茅之隆遇是以

星宮給札爭程晷刻之能

雲幄瞻旂快接扶搖之路

臣聞二儀燦列經緯之而彌宣百寶駢生濯浴之而頓煥原補助之興於夏謠由解阜之軫於

薰殿是以媯篋葛唱悉譜塗權璇札金題爭輝

天翰

臣聞羽林十二軍肅周廬之衛吉行五十騎辭渥洼之良是以不翦蒿茨人言質而敦儉母設儲時

帝謂泰而勿康

臣聞文仁旣浹斯育百男堯德克明遂親九族萃

五代於一堂迥超軒而蹈頊是以本枝菴藹廣輪蒙

嶠芑之休仙源流行中外霽滂洋之福

臣聞水含內景之精而涵濡以漸日正中黃之轡而出入以誠乾健行而無積

聖道久而化成是以甲旼事而乙觀書

德尙勤乎加勗旦調風而夕選政

訓式貽乎敬明

演連珠三十首

蓋聞鴻毛至輕匹夫適以爲諒熊掌是取義士急於舍生何則積異者情判物比者量形是以范奏尸男知延壽之非法孔辨食伴嫉文舉之不經

蓋聞密羅旣設麟鳳亦難表其祥燎原方張雷霆不能鼓其勢是以書稱迺吉尼軻蒿目以仰天傳言用宏操懿戴頭而

入地

蓋聞陰陽潛運智者不如愚者之安修短靡常創者不如因者之利是以長平士卒盡皆賦命之不辰淮南雞犬非繇學仙而自致

蓋聞燭燃幽夜膏適成其自煎鑑察秋毫明乃艱於返照是以郿塢方築已徠一炬之焚青烏有經難收抔土之效

蓋聞秦別翟瘞俗久而習忘妍媸漢軺晉駢世移而頓殊貴賤是以夏農耕野待三聘而始知越女入宮歎一朝而難見蓋聞鉛錫之銑百鍊不如瓦刀疲駑之騎十駕則及飛兔何則善思者鬼神可通甘棄者聖賢莫助是以至鈍之質不足語於上德自力之人猶可策之末路

蓋聞九方相馬不爭肥而釋瘦三代觀士常節闊而目疏是以繇貌取者失之子羽任言舉者鑒於嗇夫

蓋聞鵠卵在掌懦夫糜之而有餘蟻孔潰河衆力萃焉而難施是以萬毛不整貴求挈領之人曲突未然先擇徙薪之地蓋聞嬰孩在襁善保赤者病卽加以鍼艾賁育徒手能用力者戰必資以弓刀是以蔓藥雖良功或遜乎蘆菴狂言可擇詢必及於芻蕘

蓋聞堅白旣至斯試磷緇於磨涅榮辱無定姑論尋尺於直枉是以貪泉之水伯夷經而可酌勝母之里曾參聞而弗往蓋聞尊賤殊等過每慎於易由語默異宜道匪限於一矩是以軒轅御寓垂封口之銘文命敷海有敢諫之鼓

蓋聞奇質未遘物罕見珍淳風旣遠事半功倍是以皓鶴翫羽雞鶩顧而若失猛獸瓜跡藜藿爲之不采

蓋聞尺蠖之質以食而改黃蒼一林之實因遷而異橘枳是以許身關比晚節或怵於利害託行柴損夙慕每衰於妻子蓋聞造物忌滿一姓難復興之人匹夫能定三軍易可奪之帥是以再實之木其根必傷將殘之鐙厥燄反熾

蓋聞欲知世之愛憎莫如鑑水苟杜民之口舌殆甚防川是以國僑尙猛火之威仲尼出涕商君蒙車裂之禍秦人不憐蓋聞宵行無姦不能禁犬之不吠新沐雖潔不能止塵之不一侵是以知者慎疑似之跡節士多感憤之襟故信陵至軍侯生北鄉以計曰燕丹思泄田光先死以明心

蓋聞官骸受診視聽因而改常方寸失據穹壤爲之易位是
以萬夫可禦成荆或惴於褐寬七竅皆靈離曠偶同夫昏寐
蓋聞井泥不波神龍遇而蟠屈天風可御木鳶假以翔翺是
以身隱無文俊乂多淪於藪澤時來則化公侯半出於閭庖
蓋聞機械遞生良工幾成袖手廉恥日泯鄙夫亦覺厚顏是
以片語刺人負痛者畢世一猶貯器遺臭者十年

蓋聞匿影蔽形義由闇襲披誠飾兒名以市成是以千乘可
辭簞食豆羹見於色五交雖締一毛半菽靳其情

蓋聞躬之不閱遑卹其後戶且弗出何能及遙是以螻蛄未
知春秋鶴壽千紀松栢屢冒霜雪槿榮一朝

蓋聞挹水於河河不爲之損潤取火於燧燧不爲之耗光是

以明哲措施因物而付物賢豪精力日用而日彰

蓋聞取法苟臧易輟改絃者必悔適可而止貪多務得者罔功是以舍人畫蛇爲足而雖勞反失馮婦搏虎攘臂而有初鮮終

蓋聞明良治盛致身而人各彈冠吐握風高待聘而珍常盈席何則德不孤而有隣塗旣殊而難卽是以有蒲菡萏不采首陽之顛桔梗柴胡難求彼汾之澤

蓋聞善割者每藏其銳能戰者不主於攻是以宋鵲韓盧無以盡爰爰之兎和弓垂矢未忍加冥冥之鴻

蓋聞漏舟旣塞慎犯波濤頽屋苟支尤防風雨何則無遠慮則有近憂任坦塗必生別阻是以能保泰者不侈目前之安

善籌後者每惕意外之侮

蓋聞衆星爭光望舒爲之匿彩萬籟怒發飛廉不能擅雄是以欲詡至明五色紛而炫其視倘鶩兼聽羣說起而汨其聰蓋聞執方無恒不入與柎之室舉子不定難語嚴馬之棋是以季文三思再而斯可仲由從政果也何疑

蓋聞射者不止一發虛而前功盡泯行者旣倦跬步跌而故武皆非是以小人冥求可已而仍不已君子素位無爲其所不爲

蓋聞與世潛移趨風者每承上好矯枉過正拂性者或戾恒情是以剖斗折衡耕鑿相安於淳悶藏珠抵璧工商反失其經營

子熙
姪學彭校字

亦有生齋集文卷第一